

**Служба общая преподобным
Афанасию и Феодосию Череповецким.
Стихиры на: «Господи, воззвах».**

Глас 8.

1. Преподо́бнии отцы́ богому́дри
Афа́на́сие и Феодо́сие, / слепы́м дае́те
свѣ́т, боля́щим исцелѣ́ние, / и хромы́м
здрáвие, / мѣ́лостивно приклоня́ющесе
и приходя́щим ве́рою ко хра́му
ва́шему, / и прося́щим по́мощи ва́шея: /
засту́пники бо и предста́тели ве́рнии
вси́ обрето́хом, // восхваля́юще ва́с.

2. Преподо́бнии отцы́ всечестни́и
Афа́на́сие и Феодо́сие, /
добродѣ́тельми возше́дше на
колесни́цу, к Бо́гу востеко́сте, /
побе́дныя по́чести прие́млюще, / и я́ко
мѣ́лость на́м телеса́ ва́ша положѣ́на во
гробѣ́х отцы́ оста́вили есте́, / источа́ти
исцелѣ́ния, и прогонѣ́ти ду́хи
лука́выя: // те́мже блажи́м ва́с
прехва́льнии.

3. Лико́м по́стническим сочта́стеся, /
 укра́шшеся блаже́ннии по́стническим
 жити́ем, / и ны́не в небе́сных оби́телех
 живе́те весе́лящеся, / иде́же ликуют
 а́нгели, / и све́том божество́нным
 вои́стинну обожа́еми, / помина́йте
 любо́вию блажа́щих ва́с на земли́, // и
 свято́е ва́ше творя́щих пра́зднество.

Глас 6.

Сла́ва Отцу́ и Сы́ну и Свято́му Ду́ху.

Преподо́бнии отцы́ Афана́сие и
 Феодо́сие, / во всю́ зе́млю изы́де
 веща́ние исправле́ний ва́ших: / тем на
 небесе́х обрето́сте мзду́ трудо́в ва́ших: /
 де́монов разруши́сте полки́: / а́нгелов
 постиго́сте чи́ны, / ихже жити́ю
 непоро́чно поревнова́сте, /
 дерзнове́ние иму́ще ко Го́споду, // ми́р
 испроси́те душа́м на́шим.

***И ны́не и прѣсно и во ве́ки веко́в.
Ами́нь.***

Кто́ Тебе́ не ублажи́т, Пресвята́я Де́во, /
кто́ ли не воспоёт Твоего́ Пречи́стаго
Рождества́? / Безлётно бо от Отца́
возсия́вый Сы́н Единоро́дный, / То́йже
от Тебе́, Чи́стыя, про́йде, / неизрече́нно
вопло́щся: / естество́м Бог сы́й, / и
естество́м быв Чело́век нас ра́ди; / не
во двою́ лицу́ разделя́емый, / но во
двою́ естеству́ / несли́тно
познава́емый. / Того́ моли́, Чи́стая
Всеблаже́нная, // поми́ловатися душа́м
на́шим.

Стихиры на: «стиховне».

Глас 4.

Во Христа́ облéкшеся, / тлéемаго
человéка богомúдренно совлéкшеся: /
тем духóвною благодáтию прíсно
просвещáеми, / я́ко звéзды свéтлыя, /
мíрови просия́ли естé Афанáсие и
Феодóсие, / моля́щеся от тли и бед
избáвитися // вéрою совершáющим
прíсно честнóую пáмять ва́шу.

**Честна́ пред Гóсподем смéрть
преподóбных Егó.**

Ны́не пи́щу восприéмлюще Афанáсие
и Феодóсие, / и свéтом огражда́еми, / и
жízнь вéчную наследствующе, / к ва́м
прибегáющия от бéд избáвите, / и
искушéний разли́чных и вся́каго
озлоблéния, / богомúдренно к Бóгу
дерзновéние стяжáвше, // и любóвь
показу́юще войíстину христоподóбную.

**Блажéн мýж боя́йся Гóспода, в
за́поведех Егó восхóщет зело́.**

Богоно́сцы вседи́внии Афана́сие и
 Феодо́сие, / Тро́ицы побо́рницы, / к
 мироде́ржителеву́ боро́ению, /
 му́жескою му́дростию ополчи́вшеся, /
 того́ низложи́сте тве́рдыми сплетё́нии, /
 и побё́дными увязо́стеся венцы́: / сего́
 ра́ди божё́ственную и светоно́сную //
 соверша́ем ва́шу па́мь, освяща́еми
 благода́тию.

Глас 8.

Сла́ва Отцу́ и Сы́ну и Свято́му Ду́ху.

Преподобни́и отцы́ Афана́сие и
 Феодо́сие, / ми́ра красото́й и пи́щи
 вре́менныя отню́д возненави́девши, / и
 мона́шеское жити́е па́че возлю́бльше, /
 а́нгелом собесё́дницы бы́сте, / и
 свети́льницы многосве́тлии
 вселе́нней, / чудеса́ми я́коже второ́е
 со́лнце сия́ете. / Но о все́х нас
 помина́йте соверша́ющих свяще́нную
 па́мь ва́шу: / мы бо ча́да ва́ша, и

**о́вцы словéсных ва́ших учéний, / вас на
по́мощь призы́ваем, //прося́ще ва́ми прия́ти ми́р, и ве́лию
ми́лость.**

И ны́не и прі́сно и во ве́ки веко́в.

Ами́нь.

Безневéстная Де́во, / я́же Бо́га
неизрече́нно заче́нши плóтию, / Ма́ти
Бо́га Вы́шняго, / Твои́х рабо́в мо́льбы
приими́ Всенепоро́чная, / все́м
пода́ющи очи́щение прегреше́ний: /
ны́не на́ша мо́ления прие́млющи, //
моли́ спасті́ся все́м на́м.

Стихиры на: «хвалитех».

Глас 4.

Всякое дыха́ние да хва́лит Го́спода, /
хвали́те Го́спода с небёс, / хвали́те Его́
в вы́шних. // Тебе́ подоба́ет пе́снь Бо́гу.

Хвали́те Его́ вси а́нгели Его́, / хвали́те
Его́ вся си́лы Его́. // Тебе́ подоба́ет
пе́снь Бо́гу.

**Хвали́те Его́ на си́лах Его́, хвали́те Его́
по мно́жеству вели́чества Его́.**

1. Светле́йше просия́вши, / я́коже
со́лнце преподо́бнии Афана́сие и
Феодо́сие, / всепра́зднственная па́мь
ва́ша, / луча́ми облистава́ет, / ва́ших
добродéтельных дея́ний блаже́ннии, /
озаря́ющи ве́рных чу́ства све́том
чуде́с ва́ших: / сию́ у́бо пра́зднующе,
ра́достно ва́с восхваля́ем, // и ве́рно
ублажа́ем всепра́зднственную па́мь
ва́шу.

**Хвалі́те Е́го во гласе́ тру́бнем: хвалі́те
Е́го во псалти́ри и гу́слех.**

2. Я́коже друзі́и а́нгели земні́и
пожи́ли естé, / воздержа́нием те́ло свое́
удручи́вше всесла́внии Афана́сие и
Феодо́сие, / бде́нием и па́мятию
сме́ртною, / приле́жно помышля́юще, /
боже́ственныя отцы́ возвра́щаху, / и
вели́кими восхожде́нии / к жела́нию
верхо́вному тем войсти́нну
прибли́жилися естé, // к само́му
ка́меню Христу́ краеуго́льному.

**Хвалі́те Е́го в тимпа́не и ли́це, хвалі́те
Е́го во стру́нах и орга́не.**

3. Стра́сти телёсныя воздержа́нием
утоми́ли естé, / и приле́жным
молéнием: / зми́я льсти́ваго слéзными
пото́ки удави́ли естé, / отцы́
преподо́бнии Афана́сие и Феодо́сие, / и
угоди́ли естé Бо́гу па́че инéх
досточу́днии. / Те́м ва́с украси́
небе́сными дарова́нми // Иису́с
Человеколю́бец, и Спа́с ду́ш на́ших.

Глас 8.

Сла́ва Отцу́ и Сы́ну и Свято́му Ду́ху.

**Преподо́бнии отцы́ Афана́сие и
Феодо́сие, / поучи́вшеся де́нь и но́щь в
зако́не Господни, / сподо́бистесь дре́ва
живо́тнаго снасажде́ни бы́ти, / и пло́д
ва́шего страда́ния венцы́ процвете́, /
дерзнове́ние иму́ще к
подвигополо́жнику Бо́гу, // и на́м
испроси́те очище́ние и ве́лию ми́лость.
**И ны́не и прі́сно и во ве́ки веко́в.
Ами́нь.****

**Влады́чице приими́ моли́тву ра́б
Твои́х, / и изба́ви на́с // от вся́кия ну́жды
и печа́ли.**

По 50-м псалме. Глас 6.

Сла́ва Отцу́ и Сы́ну и Свято́му Ду́ху.
 Моли́твами преподо́бных оте́ц на́ших
 Афа́на́сия и Феодо́сия / Ми́лостиве,
 очи́сти, // мно́жество согреше́ний на́ших.
И ны́не и при́сно и во ве́ки веко́в. Ами́нь.
 Моли́твами Богоро́дицы, / Ми́лостиве,
 очи́сти, // мно́жество согреше́ний на́ших.
Поми́луй мя, Бо́же, / по вели́цей ми́лости
 Твое́й, / и по мно́жеству щедро́т Твои́х, //
 очи́сти беззако́ние мое́.

Стихира. Глас 6.

И́же на земли́ а́нгели, / и на Небеси́
 челове́цы Бо́жи, / ми́ра благо́е
 украше́ние, / и благо́х пита́телей
 удобре́ние, / мона́хов и преподо́бных
 похвалу́, / вели́ких отце́в Афа́на́сия и
 Феодо́сия почти́м: / насажде́ни бо́ в
 дому́ Господни, / и процвето́ша
 пра́ведно, / и я́ко ке́дри в пусты́ни, /
 умно́жили естé ста́до Христо́во
 словесных овец, // в преподо́бии и
 пра́вде.

**Преподобным отцам Афанасию и
Феодосию Череповецким.**

Тропарь. Глас 5.

**Я́ко всехва́льнии ученицы́ / вели́каго
покрови́теля и засту́пника земли́ Ру́сской, /
богоно́снии отцы́ на́ши Афа́на́сие и
Феодо́сие, / от ю́ности ва́шея крѣст Христо́в
на ра́мена взѣ́мшии, / усѣ́рдно Тому́
после́довали есте́ / и до́бре потруди́лися в
Сѣ́ргиевой оби́тели. / Отону́дуже Бо́жиим
изволе́нием прибѣ́вша, / благоче́стно во
гра́де на́шем Черепове́це подви́зались есте́ /
и оби́тель Воскресе́ния Христо́ва
устрои́ша, / моли́твою и трудо́м Бо́гу
угоди́вше, / от Него́ вене́ц сла́вы Небе́сной
прия́ли есте́, / и ны́не святы́ми свои́ми
телесы́ / в собо́рном хра́ме под спү́дом
почива́юще, / ду́хом же вку́пе с
преподо́бным Сѣ́ргием / у Престо́ла
Всевы́шняго предсто́я, / о на́с моли́теся
приле́жно / изба́виться на́м от все́х бе́д и
скорбе́й // и спасти́ся душа́м на́шим.**

Кондак. Глас 2.

**Волне́ний мно́жество невла́жно
проходя́ще, / безплóтныя враги́ струя́ми
слёз ва́ших / кре́пко погрузи́ли естé
богомúдри и преподо́бнии Афана́сие и
Феодо́сие, / и чудéс да́р прии́мше, //моли́те непреста́нно о все́х на́с.**

Величание.

**Стих 1: Терпя́ потерпе́х Го́спода, и вня́т
ми́, и услы́ша моли́тву мою́.**

**Ублажа́ем ва́с, / преподо́бнии отцы́
на́ша Афана́сие и Феодо́сие, / и чтим
святую́ па́мять ва́шу, / наста́вницы
мона́хов, // и собесéдницы а́нгелов.**

**Стих 2: Восхва́лятся преподо́бнии во сла́ве,
и возра́дуются на ло́жах свои́х.**

**Служба общая преподобным
Афанасию и Феодосию Череповецким.
Седальны по стихословию.**

Светильницы пресвѣтлии истины
Христовы, мир просветите учением
вашим, отцы богоглаголюции Афанасие
и Феодосие, погубивше ереси
зловѣрных хульник, погасите
пламенная хулящих смущения: тем яко
Христовы угодницы всех просвещаете.
Слава Отцу и Сыну и Святому Духу.

Отрекостесь плоти Христа ради, и
духовнии явившеся людям водителие,
услышасте словеса тайных учений:
монахом же явитесь правило
правости, страсти вся крепостию
поправше. Тем и коварства бесов до
конца попавше, к Нему изрядно
всегда богоноснии отцы молитесь,
грехов оставление подати, чтущим
любвию святую память вашу
Афанасие и Феодосие.

И ны́не и прѣ́сно и во ве́ки веко́в.

Ами́нь.

**Се́ Тебе́ роди́ родо́в сла́вят, я́коже
проре́клá еси́ О́трокови́це: Созда́теля
бо все́х была́ еси́ Пала́та, и
Божество́нный Хра́м, в нёмже всели́ся
Вы́шний, и плоти́ю обложи́ся, да спасёт
на́с.**

Седален по полиелеи.

Глас 8.

**Егда́ блаже́ннии к божество́нному
жела́нию у́м сво́й вперѣ́сте, тогда́
оста́вили есте́ вся́ до́лу влеку́щая
мудрова́ния: и в пусты́ню все́льшеся
я́ко крин процвето́сте добродете́лями
прекра́снии, страсте́й искорени́вше
те́рние, в не́й насади́сте плоды́ трудо́в
ва́ших. Те́мже и пожа́вше рукоя́ти
бога́тство неотъе́млемое на небесе́х,
отцы́ преподо́бнии Афанасие и
Феодосие, моли́те Христа́ Бо́га,
согреше́ний оставле́ние дарова́ти,
чту́щим ве́рою святу́ю па́мь ва́шу.**

Канон. Глас 2.

Песнь 1.

Ирмос: «Грядите людие».

Просвещением трисолнечнаго
божества озарившеся премудрии,
светила являетесь, просвещаете верно
сия, светоносную вашу память чтущих.

Вы все Творцу возложивше себе, все
духовное желание излийте к Нему:
сего ради духовную благодать
восприяли есте.

Светом благодати озаряеми
преподобнии, верою память вашу
торжествующих просветите и от тмы
греховныя молитвами вашими
избавите.

Богородичен:

Плотию Безплотнаго породши,
Богородительнице Пречистая,
телесных нас и душевных скверн
омый, окроплением божественныя
Твоя молитвы.

Песнь 3.

Ирмос: «Утверди нас».

**Напои́вше ду́ши слéзными пото́ки,
соде́ясте их преподо́бнии плодоно́сны,
добродéтели вся́кия износя́ще, чудéс
показа́нии пресла́внии.**

**Исцелéние содева́ет божéственный
хра́м ва́ш, и отго́нит болéзни
челове́ческие, и укрепля́ет мудрова́ния
и́х, восхва́лити труды́ ва́ша всечестный.**

**Со враго́м дрéвле бо́ршеся
воздержáнием, и ны́не крéпостию
постáвивше на него́ побéду
преподо́бнии му́жески претерпéсте, и
низложи́сте бесо́в шата́ния.**

Богородичен:

**Из ложéсн Твои́х Дéво, вели́кое со́лнце
возсия́ пресла́вно, просвети́в земна́я,
преподо́бных ли́к прия́л е́сть.**

Седален. Глас 4.

**Жите́йское мо́ре воздержáнием без
труда́ преплы́вше, ко приста́нищу**

**мы́сленному безстра́стия приста́ли
есте́, преподо́бнии отцы́ и богому́дрии
Афана́сие и Феодо́сие.**

Слава и ныне. Богородичен.

Де́вство и рождество́, вы́ше естества́ и
сло́ва, в Тебе́ Богоро́дице стеко́стася,
я́ко Бо́га вопло́щася породила́ еси́,
Спа́са ду́ш на́ших.

Песнь 4.

Ирмос: «Услышах Господи».

Я́ко Христо́во смире́ние возлюбивше,
вознесо́стеся безстра́стием, и
смирíсте вся́ бесо́вския горды́ни.

Возсия́вше я́ко со́лнце от восто́к, чудес́
луча́ми просвеща́ете преподо́бнии всю́
подсо́лнечную.

**Кади́ло благоуха́ния Всеви́дцу
преподо́бнии, своя́ моли́твы
принесо́сте, я́же обоня́ и прият, в
по́стном купно́ пра́зднице устра́ет.**

Богородичен:

**Блажи́т Тя Пречи́стая преподо́бных
ли́к, и вся́ка душа́ ве́рных: Бо́жие бо
Сло́во па́че ума́ и сло́ва роди́ла еси́.**

Песнь 5.

Ирмос: «Света Подателю».

**Еди́ной любви́ Христо́ве вы́
прило́жшеся душа́ми, и потща́вшеся
исполни́тели бы́ти Бо́жиих за́поведей,
мно́гих чудес́ прия́сте благода́ть
пресла́внии.**

**Незло́биви и крото́цы, вся́ зло́бы вра́жия
погуби́сте, ми́лостиви до конца́
я́вльшеся: от Еди́наго же Ми́лостиваго
прия́сте благода́ть и́стинную и
спаси́тельную.**

**Зако́ном и моли́твою и постом, всегда́
претерпева́сте, в безстра́стие
оде́ястеся, плото́ский ра́зум смири́вше,
кре́постию Свята́го Ду́ха.**

Богородичен:

**Воспойте Го́сподеви пе́снь но́ву, пойте
же и́мени возсия́вшему боголе́пно из
чре́ва Неискусобра́чныя, и сию́**

вѣрным показавшу твёрдую надежду и похвалу.

Песнь 6.

Ирмос: «В бездне греховней».

Кроплѣнием великих подвиговъ вашихъ отцы, победили есте бесовъ лица, распеншемуся насъ ради Господу угождающе преподобнии.

Благія нравы отцы стяжавше, от Благодателя Бога даръ приясте богато, и сего подаете требующимъ преподобнии.

Дарованийъ напълнившеся духовныхъ отцы, неприязненныя дѹхи повинѹсте, яко ѹмны и разумны, к Богу отнюдъ прилежате.

Богородичен:

Душевныя моя страсти исцели, безстрастия бывши источникъ, просветившая лики преподобныхъ отецъ рождествомъ Твоимъ.

Кондак. Глас 2.

Волне́ний мно́жество невла́жно
проходя́ще, безплóтныя враги́ струя́ми
слéз ва́ших крéпко погрузи́ли есте́
богомúдри и преподо́бнии Афана́сие и
Феодо́сие, и чудéс да́р прии́мше,
моли́те непреста́нно о все́х на́с.

Икос:

Премно́жеством добродéтелей ва́ших
преподо́бнии Афана́сие и Феодо́сие,
я́ко са́д кра́сный испо́лнь сýще: и я́ко
от ра́я процвели́ есте́, поще́нием и
моли́твами, все́х благоуха́юще от вонí,
мно́гих ва́ших трудо́в и по́двигов, и
по́тов преподо́бнических, в ни́хже
преидо́сте благоиску́сно, к
безско́рбному животу́, и венце́м
побе́дным увязо́стеся, моли́те
непреста́нно о все́х на́с.

Песнь 7.

Ирмос: «Образу златому».

Ору́жием ва́ших моли́тв преподо́бнии,
победи́вше бе́сы лука́выя, с небесе́
благодáть прия́сте, исцеля́ти недúги, и
прогоня́ти дýхи лука́выя, от
взыва́ющих: благословéн Бóг оте́ц
на́ших.

Плóти ва́ша повинúсте отцы́ мýдри
дýху, воздержáнием вся́цем пожи́сте, в
добродея́нии прехва́льнии, имúще
чи́сту со́весть, и житиé небéсное,
воспева́юще: благословéн Бóг оте́ц
на́ших.

Путём и́стинным входя́ще в
боже́ственное поко́ище, уклони́стеся
напа́стей бесóвских блаже́ннии,
боже́ственною покрывáеми
благодáтию, вопиýще: благословéн Бóг
оте́ц на́ших.

Богородичен:

Ору́жие Чи́стая Дéво, храня́щее прéжде
врата́ Еде́мская, плещи́ всём даёт,

**низложившим по́стнически борителя
врага́, при́сно взыва́ющим:
благословен Бо́г отец на́ших.**

Песнь 8.

Ирмос: «В купине Моисею».

**Сле́з ва́ших ка́пли угаси́ша о́гнь
грехо́вный, реку́ же чуде́с показа́ша
всём на́м, вся́кия стра́сти
потопля́ющую, притека́ющих к ва́м
пресла́внии отцы́.**

**Ве́ру и наде́жду неразориму́, и любо́вь
и́стинну имёсте отцы́, и ми́лостивое
прилежа́ние, терпе́ние благо́е, и
поуче́ние словес духо́вных,
смиреному́дрство, и соверше́нное
беззло́бие.**

**Подвиза́стеся до́бре, победи́вше вся́
вра́жия де́йства, и на ко́нec жити́я
венча́стеся му́дри, и ко всём
преподобным причто́стеся: с ни́миже
ва́с чтим, и превозно́сим Христа́ во
ве́ки.**

Богородичен:

**Спаси́ мя Ма́ти Бо́жия, спасе́ния
нача́ло ми́рови я́вльшися, избавля́ющи
мя молвы́ нечи́стых страсте́й, и вся́кия
проти́вныя ско́рби, да Тя́ сла́влю во вся́
ве́ки.**

Песнь 9.

Ирмос: «От Бога Бога слова».

**Се́ отве́рзесе ва́м отцы́, Ца́рство
Небе́сное, сконча́вшим до́брое
тече́ние, ви́дите, я́же ви́дят а́нгели, и
возда́ние трудо́в подаёт ва́м по́чести,
Бо́г почита́й вы́: те́м отцы́ святы́и,
ублажа́ем ва́с.**

**Сокруше́нным се́рдцем Бо́гу угоди́вше,
сокруши́те бесо́в ко́зни, и
сокруше́нныя от ни́х испра́viste
богоно́сцы: те́мже ублажа́ем ва́с ве́рно,
кла́няющеся ра́це моще́й ва́ших
богоблаже́ннии.**

**Вы́спрь к Бо́гу имев́ше мы́сль,
богоно́снии отцы́ преподо́бнии, земна́я
оста́viste, и небе́сная восприя́те,**

**трудо́в ра́ди ва́ших и воздержáния
неосла́бнаго: сего́ ра́ди почита́ем ва́с.**

Богородичен:

**Пощади́ мя Го́споди, пощади́, егда́
хощеши ми́ суди́ти, и не осуди́ мене́ во
о́гнь, ни я́ростию Твое́ю обличи́ мене́:
мо́лит Тя́, Христé, ро́ждшая Тя́ Де́ва, и
а́нгельстии собо́ри, и преподо́бных
соста́вы.**

Светилен.

**Процвели́ естé яко́ фи́никс Дави́дски
отцы́, обите́ли яви́стеся Ду́ха
Пресвята́го: и сла́вни вселénней
показа́вшеся, о нас непреста́нно
моли́те, почита́ющих ве́рою
пречестну́ю па́мять ва́шу преподо́бнии
Афанáсие и Феодо́сие.**

Богородичен:

**Тя́ пёсньми немóлчными ублажа́ем
Де́во, яко́ от Тро́ицы еди́наго роди́ла
еси́ Богоро́дице, и но́сиши на
боже́ственную руку́ Пребога́тое Сло́во,
непреме́нно и неизме́нно.**

